

- ფისკალური პოლიტიკა, როგორც ინკლუზიური ზრდის მამოძრავებელი ძალა: საქართველოს ფისკალურ სისტემას ახასიათებს ძლიერი გადამანაწილებელი ზემოქმედება, რომელიც მნიშვნელოვნად ამცირებს სიღარიბეს და უთანასწორობას.

- **ახლად წარმოქმნილ რისკებზე და სამომავლო გამოწვევებზე რეაგირება:** სახელმწიფო საწარმოებიდან მომდინარე ფისკალური რისკები, კლიმატის ცვლილება და მოსახლეობის დაბერება მზარდ გამოწვევებად მიიჩნევა, რომლებიც პროაქტიურ მართვას მოითხოვს.
- **საგადასახადო სისტემის გაძლიერება ეფექტიანობისა და თანასწორობისთვის:** ძლიერი საგადასახადო სისტემის მიუხედავად, რეკომენდებულია რეფორმები ეფექტიანობის, პროგრესულობის და მდგრადობის ასამაღლებლად. მათ შორისაა, საგადასახადო სისტემის ფოკუსირება არაპირდაპირი გადასახადების, შრომის არასწორ დაბეგვრაზე რეაგირების, ქონების დაბეგვრის გაძლიერების და უარყოფითი გარე ფაქტორების, მაგალითად, ნახშირორჟანგის ემისიის, შემცირების მიმართულებით.
- **სახელმწიფო ხარჯების ოპტიმიზაცია უკეთესი საგანმანათლებლო შედეგისთვის:** განათლების არსებული რესურსების სწორად და ეფექტურად მართვით, საქართველოს აქვს ევროკავშირის ქვეყნების მსგავსი საგანმანათლებლო შედეგების მიღწევის პოტენციალი. ანგარიშის თანახმად, რესურსების ეფექტურად გამოყენების შემთხვევაში, საქართველოს შეუძლია სასწავლო წლებთან გათანაბრებული აკადემიური შედეგების 20 პროცენტით გაუმჯობესება დამატებითი დანახარჯების გარეშე. რეკომენდაციები მოიცავს მართვის გაძლიერებას, ხელმისაწვდომობის გაზრდას, ხარისხის ამაღლებას ყველა საფეხურზე და რესურსების განაწილების ოპტიმიზაციას.

ანგარიში წარმოადგენს არსებით რესურსს პოლიტიკის შემმუშავებლებისთვის, სამოქალაქო საზოგადოების ორგანიზაციებისთვის და სხვა დაინტერესებული მხარეებისთვის საქართველოს ეკონომიკური განვითარების წასახალისებლად და მოქალაქეების კეთილდღეობის ასამაღლებლად.

